

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (27112023) / (723)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«27» նոյեմբերի 2023 թ.

(ամսաթիվը)

Սիսիան-Երևան մայրուղու 7-րդ կմ

(կազմման վայրը)

Ես՝ ՀՀ պետական եկամուտների կոմիտեի

Հարավային մաքսատուն-վարչության

(ստորաբաժանման անվանումը)

Ղեկավար Արտաշես Ղամբարյանս, քննելով՝ ԻԻՀ քաղաքացի Մուսաբ Էրրահիմի

(անձնագիր՝ R62791734)

(քննվող անձի անվանումը, կազմակերպիրավական տեսակը, ՀՎՀՀ, պետական գրանցման/ընկերության հասցեն, փաստացի գործունեության

հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Թիվ 05100041/190923/0043951 տարանցման հայտարարագրով ՀՀ ներմուծված 22897 կգ քաշով JET A-1 տեսակի ավիավառելիքը սահմանված ժամկետում՝ մինչև 29.09.2023 թվականը ներառյալ չի հասցվել նշանակման մաքսային մարմին՝ Արևմտյան մաքսատուն-վարչություն:

Նշված փաստի առթիվ ԻԻՀ քաղաքացի Մուսաեբ Էբրահիմի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 04.10.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 305-րդ հոդվածի հատկանիշներով, այն է՝ «Մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը»:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն՝ «մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների

մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 305-րդ հոդվածի համաձայն՝ «Մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը՝ **առաջացնում է տուգանք՝ հարյուր հազար դրամի չափով**»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝

բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

27.09.2023 թվականին «Արմենիա միջազգային օդանավակայաններ» ՓԲԸ-ի տնօրեն Մարսելո Վենդեն ՀՀ ՊԵԿ է ներկայացրել թիվ 716 ելից համարի դիմումը /ՊԵԿ մտից Դ/40832-2023/, համաձայն որի 05100041/190923/0043951 տարանցման հայտարարագրով բեռը փոխադրող 39A13910/39A14010 պետհամարանիշով ավտոնոմացիայով 19.09.2023 թվականին Մեղրի-Երևան ավտոճանապարհի 71-րդ կմ-ում հատվածում վթարի է ենթարկվել, որի հետևանքով ցիստեռնում գտնվող ամբողջ ավիափաթեթը թափվել է: Կից ներկայացվել է ՀՀ Քննչական կոմիտեի 26.09.2023 թվականի գրությունը համաձայն որի 2023 թվականի սեպտեմբերի 19-ին՝ ժամը 19:55-ին «Կապանի բժշկական կենտրոն» ՓԲԸ-ից ոստիկանության Կապանի բաժին ահազանգ է ստացվել այն մասին, որ ԻԻՀ քաղաքացի Մուսաբ Էբրահիմին «Մարմնի տարբեր մասերի սալջարդ» ախտորոշմամբ տեղափոխվել է իրենց մոտ, ով վնասվածքները ստացել է ավտովթարի հետևանքով:

ԻԻՀ քաղաքացի Մուսաբ Էբրահիմի՝ «Մարմնի տարբեր մասերի սալջարդ» ախտորոշման դեպքում տրանսպորտային միջոց վարելու հնարավորության մասին

տեղեկատվություն ստանալու համար երկու անգամ հարցում է կատարվել «Կապանի բժշկական կենտրոն» ՓԲԸ-ին:

Ի պատասխան առաջին հարցման՝ «Կապանի բժշկական կենտրոն» ՓԲԸ-ից հայտնել են, որ տեղեկատվություն չեն կարող տրամադրել, քանի որ Մուսաեբ Էբրահիմի անունով քաղաքացի այնտեղ չի դիմել:

Ի պատասխան երկրորդ հարցման՝ «Կապանի բժշկական կենտրոն» ՓԲԸ-ից հայտնել են, որ ԻԻՀ քաղաքացի Մուսաեբ Էբրահիմը դիմել է իրենց «Մարմնի տարբեր մասերի սալջարդ» ախտորոշմամբ: Այն մասին, թե «Մարմնի տարբեր մասերի սալջարդ» ախտորոշմամբ քաղաքացին կարող է տրանսպորտային միջոց վարել, թե՛ ոչ, հայտնել են, որ տեղեկատվություն չեն կարող տրամադրել, քանի որ իրենք զբաղվում են միմիայն բուժական և կանխարգելիչ գործունեությամբ: Միաժամանակ տեղեկացրել են, որ «Մարմնի տարբեր մասերի սալջարդ» ախտորոշման դեպքում տրանսպորտային միջոց վարելու հնարավորության մասին տեղեկատվություն կարող են տրամադրել միայն դատաբժշկական փորձագետները:

Հիմք ընդունելով վերոգրյալը՝ «Մարմնի տարբեր մասերի սալջարդ» ախտորոշման դեպքում տրանսպորտային միջոց վարելու հնարավորության մասին տեղեկատվություն ստանալու համար հարցում է ուղարկվել ՀՀ ԳԱԱ «Փորձաքննությունների ազգային բյուրո» ՊՈԱԿ-ին:

Ի պատասխան հարցման՝ ՀՀ ԳԱԱ «Փորձաքննությունների ազգային բյուրո» ՊՈԱԿ-ից պատասխանել են, որ առաջադրված հարցերին հնարավոր է պատասխանել փորձաքննվող անձի ներկայությամբ:

ՀՀ կառավարության 15.04.2021 թվականի թիվ 601-Ն որոշման համաձայն՝ «Եթե փորձաքննության ենթարկվողի մոտ հայտնաբերվում են մակերեսային վնասվածքներ, այդ թվում՝ քերծվածքներ, արյունազեղումներ, փափուկ հյուսվածքների սալջարդ, մակերեսային վերք և այլ վնասվածքներ, որոնք չեն առաջացրել առողջության կարճատև քայքայում կամ ընդհանուր աշխատունակության աննշան կայուն կորուստ, ապա այդ վնասվածքները

գնահատվում են որպես վնասվածքներ, որոնք մարդու առողջությանը վնաս չեն պատճառել»:

Ի՞հՀ քաղաքացի Մուսաթ Էբրահիմի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության ծառայությանը, իսկ Ի՞հՀ քաղաքացի Մուսաթ Էբրահիմի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ քաղաքացի Մուսաթ Էբրահիմի հաշվառման վայրի վերաբերյալ տվյալներ առկա չէ:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Մուսաթ Էբրահիմի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

Քաղաքացի Մուսաթ Էբրահիմի սահմանահատումների պատմությունը ստանալու նպատակով՝ 24.11.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Մուսաթ Էբրահիմին 27.10.2023 թվականին ժամը 09:23-ին Ագարակ պետական սահմանի անցման կետով անցել է Ի՞հՀ:

(այն հանգամանքների շարադրումը, որոնք բացահայտվել են գործը քննելիս)

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

27.11.2023 թվականին՝ ժամը 15:45-ին նշանակված գործի քննության մասին ծանուցագիրն ուղարկվել է Մեղրիի մաքսային կետ-բաժին ԻԻՀ քաղաքացի Մուսաեք Էբրահիմին ՀՀ ժամանելու դեպքում առձեռն հանձնելու նպատակով, սակայն վերջինս չի ժամանել: Հաշվի առնելով վերոգրյալ հանգամանքը՝ գործի քննությունն իրականացվել է քաղաքացի Մուսաեք Էբրահիմի բացակայությամբ:

Ուսումնասիրելով «Մաքսային կարգավորման մասին» ՀՀ օրենքի 305-րդ հոդվածի դիսպոզիցիան՝ վարչական մարմինը գտնում է, որ ԻԻՀ քաղաքացի Մուսաեք Էբրահիմի արարքում առկա է «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտումը:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 305-րդ հոդվածով, 322-րդ, 332-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. ԻԻՀ քաղաքացի Մուսաեք Էբրահիմին «Մաքսային կարգավորման մասին» ՀՀ օրենքի 305-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ**:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է

բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մարսատուն-վարչություն
(ստորաբաժանման անվանումը)

Ղեկավար՝ Արտաշես Ղամբարյան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

(ստորագրություն)

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

«__» _____
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված ցուցման գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում